

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj 7/10 i 3/23), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 35. sjednici, održanoj dana 12.07.2024. godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline, broj: 12-23-12145-1/24 od 08.07.2024. godine, doneseno po Inicijativi Alena Kapkovića, poslanika u Skupštini Zeničko-dobojskog kantona, za izmjenu i dopunu člana 10. Odluke o organizaciji i načinu obavljanja taksiprijevoza putnika na području Zeničko-dobojskog kantona – Novi prečišćeni tekst (“Službene novine Zeničko-dobojskog kantona broj: 10/19).

II.

Zaključak sa Mišljenjem iz tačke I. ovog zaključka upućuje se Skupštini Zeničko-dobojskog kantona.

III.

Zaključak stupa na snagu danom donošenja.

Broj: 02-_____/24
Datum, 12.07.2024. godine
Zenica

PREMIJER

Nezir Pivić

DOSTAVLJENO:

1 x Ministarstvo za prostorno uređenje,
promet i komunikacije i zaštitu okoline,
1 x Stručna služba Skupštine,
1 x a/a.



Broj: 12-23-12145-1/24
Zenica, 08.07.2024. godine

Na osnovu odredbi člana 111. i člana 112. Poslovnika Skupštine Zeničko-dobojskog kantona - Četvrti prečišćeni tekst („Službene novine Zeničko-dobojskog kantona”, broj 5/24), Ministarstvo za prostorno uređenje, promet i komunikacije i zaštitu okoline Zeničko-dobojskog kantona daje

MIŠLJENJE

Alen Kapković, poslanik u Skupštini Zeničko-dobojskog kantona, podnio je Inicijativu za izmjenu i dopunu Odluke o organizaciji i načinu obavljanja taksiprijevoza putnika na području Zeničko-dobojskog kantona - Novi prečišćeni tekst („Službene novine Zeničko-dobojskog kantona”, broj: 10/19) dana 23.04.24. godine. Nakon usaglašavanja sa Ministarstvom za prostorno uređenje, promet i komunikacije i zaštitu okoline Zeničko-dobojskog kantona poslanik Alen Kapković je 02.07.2024. godine dostavio Inicijativu sa novim tekstom za izmjenu i dopunu člana 10. Odluke o organizaciji i načinu obavljanja taksiprijevoza putnika na području Zeničko-dobojskog kantona - Novi prečišćeni tekst („Službene novine Zeničko-dobojskog kantona”, broj: 10/19) koja glasi:

“U Odluci iza člana 10. stav (1) dodaju se novi stavovi:

(2) Prijenos prava na raspored taksivozila na taksistajalište može se vršiti samo sa fizičkih lica na fizička lica i to u sljedećim slučajevima:

a) u slučaju trajnog prestanka rada taksiprijevoznika - fizičko lice (smrt, penzionisanje i trajna odjava) u bilo kojem periodu i to na člana uže porodice koji ispunjava uslove za obavljanje taksiprijevoza (bračni drug, djeca rođena u braku i van braka, usvojena i pastorki, bračni drug djece, roditelji i roditelji bračnih drugova, očuh, maćeha i usvojilac, braća, sestre i unučad),

b) na bilo koje fizičko lice koje ispunjava uslove za obavljanje taksiprijevoza po principu dva rasporeda za jedan, odnosno za sticanje prava za raspored jednog taksivozila (jedan taksiprijevoznik) potrebno je izvršiti prijenos prava na raspored za dva taksivozila (dva taksiprijevoznika).

(3) O prijenosu prava iz stava (2) tačka b) ovog člana sačinjava se ugovor zaključen kod notara između fizičkih lica koja prenose i fizičkog lica na koje se prenosi pravo na raspored taksivozila na taksistajalište.

(4) U ugovoru iz stava (3) ovog člana je potrebno navesti tačan naziv i broj taksistajališta, broj stajališnog mjesta na koje će se rasporediti taksiprijevoznik na kojeg se prenosi pravo.

(5) Drugo oslobođeno taksistajalište iz stava (2) tačka b) ovog člana postaje slobodno taksistajalište i raspored taksivozila na isto se vrši u skladu sa stavom (9) ovog člana.

(6) Prijenos prava na raspored taksivozila na taksistajalište iz stava (2) ovog člana odobrava se rješenjem nadležne općinske službe.

(7) Taksiprijevoznik čije je pravo na raspored taksivozila na taksistajalište preneseno u slučajevima iz stava (2) ovog člana gubi trajno pravo na raspoređivanje na taksistajališta na području Zeničko-dobojskog kantona.

(8) Rok za podnošenje zahtjeva za fizička lica iz stava (2) ovog člana je 90 dana od dana nastanka slučaja u stavu (2) ovog člana.

Stavovi 2,3,4 i 5 postaju stavovi 9,10, 11 i 12.”.

Ministarstvo za prostorno uređenje, promet i komunikacije i zaštitu okoline Zeničko-dobojskog kantona izjašnjava se o navedenoj inicijativi Alena Kapkovića, poslanika u Skupštini Zeničko-dobojskog kantona, za izmjenu i dopunu Odluke o organizaciji i načinu obavljanja taksiprijevoza putnika na području Zeničko-dobojskog kantona - Novi prečišćeni tekst („Službene novine Zeničko-dobojskog kantona”, broj: 10/19), kako slijedi:

Inicijativa koja se odnosi na izmjenu i dopunu člana 10. Odluke o organizaciji i načinu obavljanja taksiprijevoza putnika na području Zeničko-dobojskog kantona - Novi prečišćeni tekst („Službene novine Zeničko-dobojskog kantona”, broj: 10/19) je prihvatljiva iz razloga što se ovim izmjenama daju veća prava postojećim licenciranim taksiprijevoznicima i postiže brže rješavanje rasporeda na taksistajalište novih taksiprijevoznika koji čekaju na raspored.

Imajući u vidu navedeno Ministarstvo za prostorno uređenje, promet i komunikacije i zaštitu okoline predlaže Vladi Zeničko-dobojskog kantona da prihvati mišljenje o Inicijativi Alena Kapkovića, poslanika u Skupštini Zeničko-dobojskog kantona, za izmjenu i dopunu Odluke o organizaciji i načinu obavljanja taksiprijevoza putnika na području Zeničko-dobojskog kantona - Novi prečišćeni tekst („Službene novine Zeničko-dobojskog kantona”, broj: 10/19).

MINISTAR

Adnan Šabani



Dostavljeno:

- 1 x Stručna služba Vlade Zeničko-dobojskog kantona,
- 1 x Premijer Zeničko-dobojskog kantona, na znanje,
- 1 x a/a.